




၆၆



I TAN TUI HI ENGTIA HLU NGE?

RAM HMASAWNNA ATAN TUI HI ENGTIA HLU NGE?

TUI TEL LOIN CHANGKANNA A AWM THEI DAWN EM NI?

*Tui hi leilung
malsawmna a ni a.
hlut hle ang che.*

*Tui hna humhalh turin
nangmah i tha ber.*



"TUI NGAIHHLUT"



WATER & SANITATION SUPPORT ORGANISATION
PUBLIC HEALTH ENGINEERING DEPARTMENT

WORLD WATER DAY

Kum 1992 khan United Nations General Assembly chuan khawvelah hian tui dukhawp leh thianglim a awm zel theihna'n tui awm sate awmze nei taka hman a t̄ulzia leh chumi kawnga mi zawng zawng lungruah taka kan thawh ho theihna turin March ni 22 hi World Water Day atan a ruat a, kum 1993 aṅang khan khawvel pum huapin he 'World Water Day' hi hman ṅan a lo ni ta a, kum tinin tui pawimawhna pho chhuak thei thupui thlanchhuah ṅhin a ni.


Kumin World Water Day thupui atan chuan "Valuing Water" tih a ni a, chu chu mizo ṅawng chuan "Tui ngaihhlut" tihna a ni. Kumin a World Water Day thupui **tui ngaihhlut** tih hi thlirna hrang hrang 5 aṅanga thlir turin an rawn chhawp chhuak a.

1 Tuihnar ngaihhlut:

Tui thianglim hnianghnar taka kan neih reng theihna'n kan tuihnarte hlutzia inhrilh thar lehin, humhalh a, tibawlhhlawh loin venghim zawk ang u.

2 Water Infrastructure dah pawimawh:

Tui hi a dahkhawlnaah dahin mamawhna hmuna hman atan pek chhuah a ni ṅhin a. He'ng tui semna hmanruate hi kan neih ṅhat loh chuan khawtlang nunphung a nghawngin kan buai phah fo ṅhin a ni. Chuvangin tui dahkhawlna leh a semna hmanruate hi kan ngaihlu in kan duat thiam tur a ni.



3 Tui hna thawktute ngaihhlut:

Tui hi kan siam chawp leh siam chhuah theih a nih loh avangin, sum leh tha senga tui thianglim nei thei turin hmalak nasat a ngai hle a, tui thianglim kan dawn theihna tura hma latute leh an thawrimna hi kan hlutpuiin theih tawpa kan thlawp a t̄ul a ni.



4 Ram leh hnam hmasawna atan a tui hman thiam ngaih pawimawh :

Thlai thar chhuah tam hi ram hmasawna leh intodelhna atana thil pawimawh tak a nih rualin, thlai chinna hi tui thianglim hman ralna lian ber a ni bawk a ni. Thlai thar chhuah hlawkna kan ngaih pawimawh em em laiin, a thar chhuak tura tui thianglim



kan mamawh hi a hlutna kan ngai pawimawh lo fo ṅhin a ni. Chutiang bawkin kawlphehtha siam chhuahnaah te, Industry-ah te, kan tui hman danin ram leilung a nghawng dan kan ngaihtuah tel lo fo a ni. Tui tam tak kan hman ral hian leilungah chhiatna nasa tak a thlen thei a, chu mi hre reng chung chuan a ṅhatna leh a ṅhat lohna hre reng chung a tui hman hi kan ngai pawimawh tur a ni.

5 Hnam leh Sakhua a tui pawimawhna ngaihhlut:

Tui hian hnam leh sakhua hrang hrangah hmun pawimawh tak a chang a. He'ng a pawimawhna te hi thu a sawi fiah rual a ni lo a ni. Tui hi kan nitin nunah a loa kan awm theih loh rualin, intihhlumna leh intihthawvanna atan pawh kan hmang ṅangkai em em a ni. Tui hna ṅha tak nei khua chu an thlamuang em em ṅhin a ni.

Hei vang hian tui hi a hnam ang zawng te, a sakhua ang zawng te, a khua ang zawng te leh a mimal ang zawng tein a pawimawhna leh hlutna hi hre thar ang u.